

manne vasznacht, 15 gr uffs applasz und 15 gr uf Johannis, und uf welche der tagezyt eyne er on nicht bezalte, alz obin geschr(ieben) stehit, so hat er gekort, yn dy frone czu gehin uff syn eygin kost und daruz nicht zu komen, er habe om denn eyn willen gemacht bey dem burgermeister Wetterhan anno domini MCCCCXXXVI.

## 842.

1436 Dezember 15

### ***Nickel Bierschroter und sein Stiefvater bekennen eine Schuld und regeln die Rückzahlung.***

fol. 154v Auch uff den selbigin tag habin bekanth Nickel Birsrotir, selbschuldiger, und syn stiffater, burge, daz sy Clubern schuldig synt 4 gulden 8 gr. Daz gelt habin sy om globit czu bezalin uf iczliche kotthempem 15 gr so lange, das sy om uzrichtunge gethan. Und uff welche der tage eyn sy om nicht bezalunge tettin, so sal ir iczlicher yn dy frone gehin uff ir eygin czerunge und daruz nicht gehen, es geschee mit Clubers wille. Actum die quo supra.

## 843.

1436 April 28

### ***Lorenz Burggraf übernimmt eine Bürgschaft.***

fol. 154v Wiszet daz Lorencz Burggrafe hat globit, eyn gewere czu syn Moricio Mulpfortin von wegin Peter Wyszyn son vor syne gebure an dem stugke agkers, gelegin in lehen, den Moritius Mulpforte wydir sy gekauft hat, daz Wyszyn son om daryn nymmir geredin noch gesprechin sulle, an argk und ane geferde. Actum sabbato vor crucis inventionis by dem burgermeister Lasan und synen kumpanen anno etc. XXXVI<sup>to</sup>.

## 844.

1437 Januar 12

### ***Vogelweydes Frau vergleicht sich mit Hans Melzer über ihr Erbe.***

fol. 155r Actum sabbato post Erhardi ist yn eyn siczczindin rath komen Vogelweydis huszfrauw, Gotschalkes tochter, und hat sich domit irem elichen vormundin keyn Hansz Melczern vorczigin und om williglichin uffgelaszin ir vetterlich gut und erbe, gelegin bey Sturczelz agker. Gereth